

## Draamahárjuttâsâh párnáid

Taađee mottoom ovdâmerkkâ tast, maid peivikiäccu- já škovlâahâsij párnáigijn puáhtá sierâdiđ. Hárjuttâsah máttâätteh vuosâsaajeest kuldâlem- já vuáruvaiguttâstâáiđuid. Čuávuváah hárjuttâsah tuáimih olesvuotân teikkâ taid puáhtá hárjuttiđ sierâ.

### Draamasopâmuš

Ovdil sierâ algâttem lii pyeri čokkâniđ rieggei já ráhtiđ draamasopâmuš. Draamasopâmušain suáppojeh ohtsâš spellâmravvuuuh já návt viggoo toohâđ torvolâšvuodâ tobdo párnáid. Stivrejeijee puáhtá muštâliđ maid čuávuvâžžân lii tárkuttâs porgâđ, láá-uv puudah jna. Lii meiddei pyeri sooppâđ tast, uážžu-uv kietâpuhelimijd kevttiđ sierâdem ääigi ovdâmerkkânu kuvviimâ. Puáhtá meiddei sooppâđ, ete jis ij haalijd uásalistiđ, puáhtá moonnâđ seeini paaldân já čuávvuđ ko tibi ij hettii iärásijd. Loopâst sopâmuš tuhhiittuvvoo já talle puáhtá algâttiđ. Ain draamasopâmuš ij taarbâš ráhtiđ, ovdâmerkkânu talle, jis stivrejeijee lii máttâteijee já sierâdem ääigi láá siämmâáh njuolgâdusah ko oppâtijmijn.

### Virkkuuvuotâtääsi

Juávkku čuážžu riggeest. Juáhás puáhtá čäittiđ ropâinis siämmâá ääigi, mon virkkuu lii. Jis lii tuođai virkkuu, puáhtá pajaniđ jyelgisuormâi oolâ já pajediđ kiedâid káátu kulij. Jis lii vaibâm te puáhtá njeeijiđ aaibâs lättee rájájn. Virkkuuvuotâtääsi puáhtá leđe meiddei miinii tai kooskâst. Jiejjâs vajo puáhtá olgospyehtiđ meiddei roppáin kejâstuv lasseetmáin, kiedâi stiälluin jna. Stivrejeijee čáittâ ovdâmeerhâ. Stivrejeijei puáhtá leđe ávhálâš uáiniđ, mii lii párnái virkkuuvuotâtääsi ovdil sierâ algâttem, ovdâmerkkânu taarbâš-uv aalgân virkosmittee väi rávhuidittee sierâ.

### Iideed

Stivrejeijee časkâd čuovâid já puohah maneh lättei maka uáđđiđ. Sierâduvvoo ete lii vuot iiđeed. Juáhás oovdânpuáhtá siämmâá ääigi pantomiimin jiejjâs iiđeedtooimâid teikkâ stivrejeijee puáhtá čielgiđ maid iiđeedtooimâid kalga porgâđ (ovdâmerkkânu cuvnâmtijme čuájá, važottâllâm, iiđeedpitâ puurrâm, paanij poossâm, kárvudâttâm já päikkiuuvâsâ toppâm). Uážžu jienâdiđ, mutâ ij mielâstubboht sárnuđ väi sierâst ij šoodâ almolâš moive. Talle puohah maneh oppeet uáđđiđ. Siämmâá iiđeedrutiinih tahhojeh uđđâsist eresnâál, ovdâmerkkânu.

- sieminnâálá tegu uccâ häldee
- stuorrânlá tegu jietânnâs
- jotelávt tegu koddesäplig
- tánssâámâin tegu čuovjispijgá

Taat hárjuttâs sehe virkosmit ete išseed vuáijuđ. Loopâst puáhtá savâstâllâđ tast, mii lâi suottâsumoš vyehi koccâđ piäiván. Sierâ puáhtá heiviittiđ eres-uv ašsijd ko iiđeedtooimâid.

### Nääpi joodeet

Saajeest joteh nuuvt, ete miinii rummâšoosijn stivree lihâdem. Kii peri puáhtá huikkeđ, mii rummâšoosijn stivree čuávuvâžžân, ovdâmerkkânu "čižet pelji joodeet" já talle puohah adeleh čižet peelji stivriđ lihâdem. Molsâiävtulávt stivrejeijee puáhtá meridiđ, mii rummâšoosijn joodeet. Hárjuttâs tuávváázin puáhtá kevttiđ meiddei muusik, mutâ tárkuttâs ij lah "tánssâđ mučâdávt". Taat hárjuttâs lii virkosmittee, mutâ váátâ meiddei vuáijum. Pärni uáppá rummâšjesâniđ sehe fiettiđ uálgis já čižet.

## Ivnesierâ

Stivrejeijee rävvee ovdâmerkkân ”uálgis jyelgi ruánái”, kuás juáháš ocá saajeest maidnii ruánáid, mon puáhtá kuoskâttið uálgis juolgijn. Ko puohah láá orostâm, stivrejeijee täärhist moonâi-uv riehtâ. Talle stivrejeijee addel čuávuváá ravvuu om. ”kállu vielgâdân”. Puárás sub párnaigijn puáhtá molsod nuuvt, ete válđá lovvoid fáárun ”nelji peelgi fiskâdân, kyehti kääibi čuovjâdân já kulmâ čuávji ránnásân”, kuás päärnih kolgâčii savâstâlhánnáá hammið juávhuid. Tuávváázân puáhtá pieijâd meiddei muusik, kuás puoh uážzuh lihâdið muusik čuojâdijin rijjâ já ain koo muusik potkân, stivrejeijee addel ravvuid. Päärnih uáppih iäruttið uálgis já čižet, rummâšoosijd já iivnijd.

## Jis tun lah te mun lam

Puáhtá olášuttið veikkâ riggeest nuuvt, ete vuosmuš mana kaskoo já iätá ovdâmerkkân ”Mun lam puásui” já páácá sajasí maka poccun. Čuávuvâš (puáhtá ovdânið riggeest oornigist teikkâ rijjâ) mana poccuu luus já iätá ovdamerkkân ”Jis tun lah puásui te mun lam puásuippeenuv”. Návt ovdáneh nuuvt kuhháá ete puohah láá siämmáá ”kooveest”. Kove piedgejuvvoo nuuvt ete vuosmužžân kaskoo moonnâm uážzu vyelgið vuosmužžân meddâl, talle nubben moonnâm já nuuvt ain tassaaš ete puohah láá oppeet riggeest. Ohtsâš kován puáhtá ovdâmerkkân pieijâd jienâ oolâ, kuás juáháš puáhtá lyeštið mottoom jienâ. Kove puáhtá meiddei ”iällâáttið” já keččâd, mii tábáhtuvá. Taat sierâ háárjut improvisemtâáiđu já oovtâst porgâm.

## Speejâl parâluvâi

Paarâh čuážzuh vuástâluvâi. Suáppoo kuábáš lii A já kuábáš B. Siämmást ko rávhálâš muusik čuojâjá A álgá toohâd hiđes lihâstuv, mon B adđiistâl speejâlkovveen. Lii tergâd lihâdið tuárvi hitásávt väi speejâlkove piso fáárust lihâstuvvâst. Ulmen lii siämmâá-áigásâš lihâdem. Hiäivulii saajeest molsâšuvá nuuvt ete B stivree lihâstuv já A lii speejâlkove. Taat lii uáli rávhutittee hárjuttâs, mii váátá kuldâlem já vuáijum. Heivee pyereest veikkâ muásudâttâmhárjuttâssân.

Mon peri sierâst puáhtá ráhtið ”sämmilâš versio”, ko kiävttá vähâ mielâkuvviittâs

Heli Huovinen  
Teatter-olgospyehtim stivrejeijee